

ԳՈՐԻՍԻ ՇՐՋԱՆԸ ՀԱՅՐԵՆԱԿԱՆ ՊԱՏԵՐԱԶՄԻ ՏԱՐԻՆԵՐԻՆ

Գ. Ա. ՀԱՐՈՒԹՅՈՒՆՅԱՆ

Հայրենական պատերազմի տարիներին Գորիսի շրջանի աշխատավորները ևս իրենց լուսման ներդրեցին ֆաշիզմի դեմ սովետական ժողովրդի մղած պայքարում: Պատերազմի տարիներին շրջանային կուսակցական և պետական ղեկավար օրգանների ղեկավարությամբ շրջանի տնտեսությունը վերակառուցվեց ռազմաճակատի շահերին համապատասխան:

Հայրենական պատերազմի տարիներին ֆաշիզմի դեմ մղված մարտերին մասնակցեցին 4330 դորիսեցիներ: Նրանցից 2500-ը պարգևատրվեցին ՍՍՀՄ շքանշաններով ու մեդալներով, զոհվեցին՝ 2559-ը¹: Գորիսի շրջանի աշխատավորները սովետական բանակին տվել են անվանի զորահրամանատարներ և քաղաշխատողներ: Նրանցից են դիվիզիայի կոմիսար Գևորգ Սաֆրազբեկյանը, դիվիզիայի զինկոմ Իվան Վարդանյանը, գվարդիայի գեներալ-լեյտենանտ Բագրատ Առուշանյանը, գվարդիայի գեներալ-մայոր Սերգեյ Կարապետյանը, գեներալ-մայոր Մուշեղ Մինասյանը, գեներալ-մայոր Համո Յուլյանը, դիվիզիայի հրամանատար, գնդապետ Ներսես Բալոյանը, տանկային բրիգադայի հրամանատար, Սովետական Միության հերոս, գվարդիայի զենդապետ Գրիգոր Գալստյանը:

Շրջանի աշխատավորության ծոցից են դուրս եկել Սովետական Միության հերոսներ, գվարդիայի գնդապետ Գրիգոր Գալստյանը, գվարդիայի լեյտենանտ Գուրգեն Արզումանյանը, ավագ սերժանտ Սուրեն Առաքելյանը, գվարդիայի հֆրեյտոր Արամայիս Սարգսյանը, ռազմական 92-րդ գործարանի դիրեկտոր, սոցիալիստական աշխատանքի հերոս Համո Յուլյանը:

Գորիսի շրջանի աշխատավորները բացառիկ կարևոր նշանակություն էին տալիս պարտավորությունների ժամկետից շուտ կատարմանը: Հայրենական պատերազմի օրերին Գորիսի շրջանում ևս ավելի ու ավելի էր ծավալվում սոցիալիստական մրցությունը: Թիկունքի աշխատողները չէին բավարարվում արտադրական նորմաների սովորական գերակատարումով, նրանք ձգտում էին աշխատել երկուսի, երեքի փոխարեն: Այդ մրցությունն առաջ բերեց երկուհարյուրականների, երեքհարյուրականների ու հազարականների շարժումը: Գորիսի շրջանում երկուհարյուրականներ դարձան ոչ միայն անհատ մարդիկ, այլև ամբողջ օղակներ, բրիգադներ ու տնտեսություններ: Պատերազմի բոլոր տարիներին հացահատիկային կուլտուրաների բերքահավաքը շրջանում կատարվել է 9—15 օրում: Խոտը և հացահատիկային կուլտուրաները հնձում, հավաքում էին ձեռքով, դաշտային աշխատանքների չնչին մասն էր անթարկված մեքենայացման: Հացահատիկային կուլտուրաների բերքահավաքը սեղմ ժամ-

¹ Տվյալները վերցված են Գորիսի շրջանի քաղաքային և գյուղական սովետների գործկոմների և շրջգինկոմիսարիատի արխիվներից:

կատում էին կատարում Կորնիձոր, Կյորու (այժմ Ձորաշեն), Տեղ, Խնձորեսկ, Ղուրթղալսիխ, Խնածախ, Շինուհայր, Հալիձոր, Յայջու (այժմ Հարժիս), Խոտ և Քարաշեն գյուղերի կոլտնտեսությունները: Կուսակցական, սովետական և հասարակական կազմակերպությունների աշխատանքները վերակառուցվեցին պատերազմի պահանջներին համապատասխան: Շրջսովետի գործկոմի կոլեկտիվի նախաձեռնությամբ կրճատվեց 45 հաստիք, ամսական տնտեսվեց 11.340 ու աշխատավարձ և այն փոխանցվեց երկրի պաշտպանության ֆոնդ²: Շրջսովետի գործկոմի բաժինները և գյուղական սովետների գործկոմները հրակայական աշխատանք կատարեցին աշխատավորության ուժերի և միջոցների մոբիլիզացման ուղղությամբ:

1941 թ. հուլիսի 15-ից շրջանի բոլոր գյուղերում և Գորիսի հիմնարկ-ձեռնարկություններում սկսվեցին քիմիական պաշտպանության խմբակների պարապմունքներ³: Գործում էին նաև հակաօդային պաշտպանության 241 խմբակներ, որոնցում ընդգրկված էին 16—60 տարեկան քաղաքացիներ⁴: Շրջանի աշխատավորները ռուսումնասիրում էին ռազմական գործը: Աշխարհագրության ջոկատների և խմբերի օգնությամբ ու աշխատավորության լայն մասնակցությամբ ամրություններ կառուցվեցին Գորիսի օդանավակայանի շրջակայքում և Որոտանի ձորում: Չափազանց մեծ նշանակություն էր տրվում նաև քաղաքական մասսայական աշխատանքին. շրջանի 47 ագիտկոլեկտիվներում ընդգրկված էին ավելի քան 230 ագիտատորներ⁵:

Կոլտնտեսություններում աշխատանքային կարգապահությունն ամրապնդելու համար ՍՍՀՄ Ժողկոմսովետը և ՀամԿ(Բ)Կ Կենտկոմը 1942 թ. ապրիլին որոշում ընդունեցին կոլտնտեսականների աշխօրերի պարտադիր մինիմումը բարձրացնելու մասին: Միաժամանակ ՍՍՀՄ Ժողկոմսովետը և ՀամԿ(Բ)Կ Կենտկոմը որոշումներ ընդունեցին գյուղատնտեսության առաջավորների նյութական խրախուսանքի, ինչպես նաև քաղաքների ու գյուղական վայրերի աշխատունակ բնակչությանը մոբիլիզացնելու կարգի մասին: Այդ որոշումները նյութական ու բարոյական խրախուսանքի պայմաններ ստեղծեցին գյուղատնտեսական աշխատանքները ժամանակին կատարելու համար: Կարևոր նշանակություն ունեցող եկավար կադրերի, լավ կազմակերպիչների ընտրությունը, քանի որ պատերազմի միայն առաջին 10 ամսում շրջանից ռազմաճակատ էին մեկնել գյուղատնտեսության բնագավառի 161 ղեկավար աշխատողներ⁶, որոնց փոխարինել էին հիմնականում կանայք: Այսպես, օրինակ, շրջանում գյուղական սովետների նախագահներին 4-ը, դաշտավարական բրիգադավարներից 41-ը, ֆերմաների վարիչներից 2-ը կանայք էին⁷: Անվանի բրիգադավարների համբավ էին վայելում Սիրան Բալյանը և Արուսյակ Դավթյանը (Կորնիձորից), Արուսյակ Մկրտչյանը (Տաթևից), Լուսիկ Ավանեսյանը (Հալիձորից), Արուսյակ Քոչարյանը (Ձորաշենից) և շատ ուրիշներ:

² Գորիսի շրջսովետի գործկոմի արխիվ, գ. 433, թ. 48—50:

³ ՍՄԿԿ Կենտկոմին կից մարքսիզմ-լենինիզմի ինստիտուտի հայկական ֆիլիալի արխիվ (այսուհետև՝ ՄԼԻ արխիվ), ֆ. 15, գ. 81, թ. 68:

⁴ «Ստալինյան դրոշմ», 1941, № 63:

⁵ ՄԼԻ արխիվ, ֆ. 15, գ. 2, թ. 20:

⁶ Նույն տեղում, գ. 101, թ. 1:

⁷ Նույն տեղում, գ. 200, թ. 52:

Պատերազմի ժամանակ, հատկապես ձմեռային ամիսներին, լուրջ ուշադրություն էր նվիրվում գյուղատնտեսական մասնագետների պատրաստմանը: Հարյուրավոր մարդիկ սովորում էին տրակտորիստի, կոմբայնավարի, կալսիչավարի և այլ մասնագիտություններ: Բացի այդ, հանրապետության տարբեր շրջաններում կազմակերպված կադրերի վերապատրաստման դասընթացներում սովորեցին 491 մարդ (230-ը կանայք):

Պատերազմի տարիներին շրջանի տնտեսությունները լուրջ ուշադրություն էին դարձնում հացահատիկային կուլտուրաների ցանքատարածությունների ընդարձակմանը և մշակմանը, ձգտելով բարձրացնել բերքատվությունը: Միայն 1943 թ. հացահատիկային կուլտուրաների ցանքատարածությունները ընդարձակվեցին 2000, իսկ մյուս կուլտուրաներինը՝ 500 հեկտարով: 1943 թ. հացահատիկային կուլտուրաների ամեն մի հեկտարից կուտնտեսություններն ստացան 11 ց. միջին բերք, որն ամենաբարձրն էր շրջանի գոյության ընթացքում: Ավելի բարձր բերք ստացան Կորնիձորի, Քարաշենի, Տեղի, Մաղանջուղի (այժմ Այգեձոր) կուտնտեսությունները, որոնք մեկ հեկտարից հավաքեցին 12—14 ց. միջին բերք: Ձեռք բերված հաջողությունների շնորհիվ շրջանի կուտնտեսականները 1943 թ. պետությանը ազատ գնման կարգով վաճառեցին 72.000 փութ հացահատիկ:

Պատերազմի տարիներին շրջանի կուտնտեսությունները 201 հեկտարով ընդարձակեցին նաև պտղատու և խաղողի այգիները, դրանց տարածությունը հասցնելով 837-ի: Շրջանում առանձին ուշադրություն էր դարձվում ծխախոտի մշակմանը և շերամապահության զարգացմանը: Շրջկենտրոնի և Տեղ գյուղի կուտնտեսությունները պատերազմի տարիներին 140—180%-ով գերակատարեցին պետությանը ծխախոտի հումք վաճառելու առաջադրանքները: Լուրջ արդյունքների էին հասել շերամապահները: Տեղ գյուղի կուտնտեսության կուտնտեսուհի Վարդուշ Բաբայանը, օրինակ, մեկ տուփ գրենայից նախատեսված 44 կգ-ի դիմաց ստացավ 132, Վարդանուշ էլյազյանը՝ 116, Հազարավարդ Փարսադանյանը (շրջկենտրոնի կուտնտեսությունից)՝ 114, քարահունջեցիներ Անիկա Սարգսյանը և Փառանձեմ Գալստյանը համապատասխանաբար՝ 116 և 109 կգ բոժոժ և այլն⁹:

Պատերազմի տարիներին շրջանի հանրային տնտեսություններում աճեց նաև անասունների գլխաքանակը, բարձրացավ նրանց մթերատվությունը:

Գործիսի շրջանի աշխատավորները անմասն չմնացին երկրի պաշտպանության ֆոնդին նյութական օգնություն ցույց տալու գործում: Նրանք պատերազմի առաջին օրերին պաշտպանության ֆոնդին նվիրեցին 71.765 ռ. կանխիկ դրամ, 158.000 ռ. փոխառություն, 2.700 աշխօրի հասանելիք բնամթերք և դրամ, 158 գլուխ խոշոր և 851 գլուխ մանր եղջերավոր անասուն, 1.300 կգ պանիր, 300 կգ յուղ, 550 կգ բուրդ, մոտ 50 ց. հացահատիկ, 60 ց. խոտ¹⁰, 1941 թ. սեպտեմբերի առաջին տասնօրյակում շրջանի կուտնտեսությունները երկրի պաշտպանության ֆոնդին նվիրեցին 143 գլուխ խոշոր և 624 մանր եղջերավոր անասուն, 720 կգ պանիր, 200 կգ յուղ, 500 կգ բուրդ, 25 ց. հացահատիկ¹¹:

⁹ Նույն տեղում, թ. 23, 24:

¹⁰ Նույն տեղում, թ. 24:

¹⁰ «Սովետական Հայաստան», 21. VIII. 1941:

¹¹ Նույն տեղում, 6. IX. 1941:

Պաշտպանության ֆոնդի ստեղծմանը ակտիվ մասնակցություն ունեցան նաև կոմերիտականներն ու պիոներները: Նրանք միայն օգոստոս ամսին պաշտպանության ֆոնդին նվիրեցին 4.539 աշխօր, 48.900 ռ. փոխառության պարտատոմս, 140.013 ռ. կանխիկ դրամ և 2.894 կգ գունավոր մետաղ: Շրջանի երիտասարդությունը հաճախ էր կազմակերպում շաբաթօրյակներ և վաստակը նվիրում հերկրի պաշտպանության և ազատագրված սովետական շրջանների վերականգնման ֆոնդերին: Նրանք «Կոմերիտական տանկային շարասյան» ֆոնդին հատկացրին 112.000 ռ.¹², 1943 թ. հոկտեմբերի մի քանի օրում շրջանի կոմերիտականները «Երիտասարդ գվարդիա» էսկադրիլիա կառուցելու ֆոնդին նվիրեցին մոտ 135.000 ռ.¹³:

Գորիսի շրջանի պարտադիր ռազմական ուսուցման միավորների մարտիկները «Հայաստանի պարտուս» տանկային շարասյան ֆոնդին նվիրեցին 27.000 ռ.¹⁴, Վերիշենի պարտադիր ռազմուսի միավորման մարտիկները՝ 12.000 ռ.: Նրանց նախաձեռնությունը լայն արձագանք գտավ շրջանում:

Արձագանքելով տամբուլցիների հայրենասիրական նախաձեռնությունը, շրջանի կոլտնտեսականները և կոլտնտեսուհիներն իրենց անձնական խնայողությունից հավաքեցին 500.000 ռ.¹⁵ «Հայաստանի կոլտնտեսական» տանկային շարասյան կառուցման համար¹⁶: Պետական հանձնումների պլանը կատարելուց հետո, 1942 թ. բերքից սովետական բանակի ֆոնդ մուծվեց 12.000 փութ հացահատիկ¹⁶: Այդ գործին ակտիվ մասնակցություն ցուցաբերեցին Քարահունքի «Ֆեդերացիա» կոլտնտեսության անդամները՝ նվիրելով 50.000 ռ.: Բացի այդ, Գորիսի շրջանի աշխատավորները «Սովետական Հայաստան» ավիամիավորման ֆոնդ մուծեցին 25.500 ռ.:

Այդ նվիրատվությունների համար շրջանի աշխատավորությանն ուղղված Գերագույն գլխավոր հրամանատարության շնորհակալական հեռագրում ասված էր.

«Գորիս»

Հայաստանի Կ(ր)Պ Գորիսի շրջկոմի քարտուղար ընկ. Սարգսյանին. Իմ եղբայրական ողջույնը և Կարմիր Բանակի շնորհակալությունը հաղորդեք Գորիսի շրջանի աշխատավորներին, որոնք 755 հազար ռուբլի հավաքել են տանկեր և ինքնաթիռներ կառուցելու համար, Կարմիր Բանակի ֆոնդին հանձնել են 12 հազար փութ ցորեն և ճակատայիններին ուղարկել նվերներ և տաք հագուստ.

Ի. Ստալին»¹⁷:

Կոմունիստական կուսակցությունը և սովետական կառավարությունը հենց պատերազմի ընթացքում բացառիկ ուշադրություն էին դարձնում թրջնամուց ազատագրված շրջաններում ժողովրդական տնտեսության վերականգնմանը: Արձագանքելով Յարոսլավլի և Իվանովոյի մարզերի կոլտնտեսականների նախաձեռնությունը, շրջանում ծավալվեց լայն շարժում: Այդ նպատակով 1943 թ. մարտին աշխատավորները հավաքեցին 100 ց. հացահատիկ,

¹² Նույն տեղում, 23. IX. 1942:

¹³ Նույն տեղում, 22. X. 1943:

¹⁴ «Ստալինյան դրոշմ», 14. III. 1943:

¹⁵ «Սովետական Հայաստան», 26. XII. 1943:

¹⁶ Նույն տեղում, 14. IV. 1943:

¹⁷ Նույն տեղում:

16 ց. կարտոֆիլ, 140.000 ու. և տնային գործածության բազմաթիվ իրեր¹⁸: 1944 թ. գարնանը շրջանի կոլտնտեսությունները Ուկրաինայի ազատագրված շրջաններ ուղարկեցին 250 գլուխ խոշոր եղջերավոր անասուն, այգ թվում՝ 65 կով, և 450 գլուխ ոչխար ու այծ¹⁹:

1941 թ. աշնանը ամբողջ երկրով մեկ ծավալվեց սովետական բանակի մարտիկների համար տաք հագուստ հավաքելու շարժում: Ստեղծվեցին համապատասխան հանձնաժողովներ: 1941 թ. ընթացքում Գորիսի աշխատավորները ռազմաճակատ ուղարկեցին 16.000 զույգ գուլպա, 6.200 զույգ ձեռնոց, 712 զույգ ներքին տաք հագուստ, 402 զույգ կաշվե ձեռնոց և այլն: 1942 թ. հունվարի 1—10-ը շրջանի աշխատավորները սովետական բանակի մարտիկներին ուղարկեցին 3.160 զույգ բրդյա գուլպա, 614 զույգ բրդյա և 226 զույգ կաշվե ձեռնոցներ, 1215 հատ մորթի և 29 ց. բուրգ²⁰: Գորիս քաղաքի միջնակարգ դպրոցի պիոներները և կոմերիտականները սովետական բանակին նվիրեցին 171 զույգ բրդյա գուլպա, 187 զույգ ձեռնոց, մորթիներ, գլխարկներ և զանազան տաք հագուստ, ինչպես նաև 1310 ու. կանխիկ դրամ՝ տաք հագուստ փնելու համար²¹: Ընդհանուր առմամբ՝ պատերազմի առաջին 3 տարում Գորիսի շրջանը ռազմաճակատ ուղարկեց 163.000 կտոր զանազան տեսակի տաք հագուստ: Պատերազմի տարիներին երկրի բոլոր բնակավայրերում ստեղծվեցին զինվորականների ընտանիքներին օգնություն կազմակերպող հանձնաժողովներ, իսկ շրջանային սովետների գործկոմներում այդ նպատակի համար կազմակերպվեցին բաժիններ: Բոլոր կոլտնտեսությունները և հասարակական կազմակերպությունները ֆոնդեր էին առանձնացնում ճակատայինների ու վիրավոր զինվորների ընտանիքների ու երեխաների կարիքները հոգալու համար:

Հայրենական պատերազմի տարիներին Գորիսի շրջանում զինվորականների ընտանիքները պետությունից, կոլտնտեսություններից հասարակական կարգով ստացան 5782 ց. հացահատիկ, 176 ց. կարտոֆիլ, 7 ց. յուղ, 25 ց. աղ, 17 ց. ձավար, 6675 կտոր հագուստ, 27 ց. պանիր, 1100 տ. անասնակեր, 1643 խմ վառելափայտ, 100 գլուխ անասուն, 10.000 զույգ կոշիկ, 80.000 ուրամական օգնություն և ավելի քան 11 մլն. ու. նպաստ²²:

Պատերազմի ժանր տարիներին էլ Գորիսի շրջանում շինարարությունը վանդ չառավ. ստեղծվեցին մի շարք կառույցներ: 1942 թ. գարնանը Գորիս քաղաքում շահագործման հանձնվեց հրակայուն աղյուսի գործարանը: Նույն թվականի ամռանը տեղական արդյունաբերության կոմբինատը բացեց մուրաբաների եփման ցեխ: 1943 թ. վերջին քաղաքում շահագործման հանձնվեց տարեկան 30.000 դեկալիտր արտադրողականությամբ գարեջրի գործարանը:

Պատերազմի տարիներին շրջանի կուսակցական կազմակերպությունը և սովետական օրգանները հոգում էին նաև ժողովրդական տնտեսության հետագա վերելքի համար: Արդյունաբերության նոր ձեռնարկություններ գործարկելու հետևանքով 1944 թ. նկատելի էր, որ ունեցած 150 կիլովատ հզորությամբ հիդրոէլեկտրակայանը արդեն չի կարող բավարարել շրջանի աճող սպահանջները և հարց դրվեց կառուցելու երկրորդ և երրորդ հիդրոէլեկտրակա-

¹⁸ «Ստալինյան դրոշով», 14. III. 1943.

¹⁹ Գորիսի շրջանի կոլտնտեսության արխիվ, գ. 494, թ. 12.

²⁰ «Սովետական Հայաստան», 13. I. 1942.

²¹ Նույն տեղում, 30. IX. 1941.

²² ՄԼԻ արխիվ, ֆ. 15, գ. 200, թ. 361.

յանները: 1945 թ. սեփական նյութական միջոցներով սկսվեց Ակնների հիդրոէլեկտրակայանի առաջին հերթի շինարարությունը:

1944 թ. վերջին նախագծվեց 52 կմ երկարությամբ ռադիոգծեր անցկացնել շրջկենտրոնից դեպի Քարաշեն, Կյորու (Ձորաշեն), Մաղանջուղ (այժմ Այդեձոր), Բայանդուր, Շամսդ գյուղերը և 75 կմ երկարությամբ հեռախոսի երկրորդ դիմ` դեպի Տեղ, Շինուհայր, Տաթև:

Գորիս քաղաքում սկսեց կառուցվել Հայրենական պատերազմում զոհված ղանգեգուրցիների հիշատակին նվիրված աղբյուր-հուշարձան, որն ավարտվեց պատերազմից հետո:

Պատերազմի տարիներին կոմունիստական կուսակցության գաղափարական աշխատանքի արդյունք էին թիկունքում` աշխատավորների քաղաքական և աշխատանքային ակտիվության աճը, իսկ ռազմաճակատում` սովետական մարտիկների մասսայական հերոսությունը: Գորիսի շրջանում ևս գաղափարական աշխատանքի ճիշտ կազմակերպման շնորհիվ անհամեմատ բարձրացավ աշխատավորների քաղաքական ակտիվությունը: Ուսմանը զուգընթաց շրջանի ուսուցիչները և աշակերտները, առանձնապես ամառային արձակուրդների օրերին, մեծ օգնություն էին ցույց տալիս կուլտեսուսություններին: Միայն 1942 թ. շրջանի դպրոցականները վաստակեցին 266.177 աշխօր²³:

Բնակչության բուժսպասարկմանը նվիրվեցին առողջապահության բնագավառի աշխատողները: Պատերազմի տարիներին նրանց անձնվեր աշխատանքի շնորհիվ շրջանում համաճարակային բռնկումներ գրեթե չեղան: Բացի բնակչության սպասարկումից, նրանք հատուկ խնամք էին կազմակերպում արձակուրդում գտնվող վիրավոր բանակայիների նկատմամբ:

Աշխատավորության գեղարվեստական սպասարկման գործում խրախուսելի աշխատանք կատարեց Գորիսի պետական թատրոնը, որը 1942—1943 թթ. բեմադրեց Կ. Սիմոնովի «Ռուս մարդիկ» և Վ. Պրոտի «Շրջկոմի քարտուղարը» ռազմա-հայրենասիրական պիեսները:

1942 թ. փետրվարի 24-ին Հայկական ՍՍՀ Գերագույն սովետի նախագահությունը կառավարական հատուկ առաջադրանքներ կատարելու համար հանրապետության Գերագույն սովետի պատվոգրով պարգևատրեց Գորիսի շրջանի մի խումբ աշխատողներին²⁴:

ՍՍՀՄ Գերագույն սովետի նախագահության 1944 թ. փետրվարի 8-ի հրամանագրով Կորնիձորի Կիրովի անվան կուլտեսուսության վարչության նախագահ Հարություն Մախլյանը և Բայանդուր գյուղի Թեմանի անվան կուլտեսուսության ձիաբուծական ֆերմայի վարիչ Անդրանիկ Սարգսյանը գյուղատնտեսության և անասնաբուծության զարգացման ասպարեզում կառավարության առաջադրանքները հաջողությամբ կենսագործելու համար պարգևատրվեցին Լենինի շքանշանով:

²³ Նույն տեղում, գ. 127, թ. 112:

²⁴ «Սովետական Հայաստան», 25. II. 1942: Այդ թվում` Քարահունջի կուլտեսուսության վարչության նախագահ Մակար Արրահամյանը, Խնձորեսկի և Տաթևի գյուղական սովետների գործկոմների նախագահներ Մխիթար Ասադյանը և Գարեգին Վարդաղարյանը, շրջկենտրոնի կուլտեսուսության սկզբնական կուսակցական կազմակերպության բյուրոյի քարտուղար Տիգրան Բոլունցը և շրջսովետի գործկոմի նախագահ Նիկոլայ Հայրապետյանը: Կառավարության կողմից թանկարժեք նվերների արժանացան կուսակցության Գորիսի շրջկոմի երկրորդ քարտուղար Միկիտ Հակոբյանը և Շինուհայր գյուղացի Արմենակ Առաքելյանը:

Հացահատիկային կուլտուրաների և ծխախոտի բարձր բերք ստանալու համար Տեղ գյուղի կուլտնտեսության վարչության նախագահ Գալուստ Սուլեյմանյանը պարգևատրվեց «Պատվո նշան» շքանշանով: Զիաբուծության բնագավառում ձեռք բերած նվաճումների համար «Պատվո նշան» շքանշանով պարգևատրվեց Խնձորեսկի կուլտնտեսության ձիապահ Եփրեմ Բաբալարյանը: Նույն հրամանագրով կուսակցության Գորիսի շրջկոմի առաջին քարտուղար Լևոն Սարգսյանը և շրջսովետի գործկոմի նախագահ Սողոմոն Կարապետյանը պարգևատրվեցին «Պատվո նշան» շքանշանով: Շրջանի գյուղատնտեսության բնագավառի 9 աշխատողներ պարգևատրվեցին մեդալներով:

Այսպիսով, Գորիսի շրջանի աշխատավորները Հայրենական պատերազմի ժամանակ, սովետական երկրի մյուս քաղաքների ու շրջանների աշխատավորության շարքերում պատվով կատարեցին իրենց պարտքը հայրենիքի հանդեպ:

ГОРИССКИЙ РАЙОН В ГОДЫ ОТЕЧЕСТВЕННОЙ ВОЙНЫ

Г. А. АРУТЮНЯН

Р е з ю м е

В годы Великой Отечественной войны трудящиеся Горисского района под руководством партийных организаций внесли свой опромный вклад в дело обеспечения победы над фашистской Германией. 4330 труженников района, находясь на фронтах, принимали непосредственное участие в сражениях против немецко-фашистских захватчиков.

Перестроив свою работу согласно требованиям военного времени, трудящиеся района выполняли и перевыполняли государственные задания и сдавали государству значительное количество сельскохозяйственной продукции. Колхозники, рабочие и служащие принимали активное участие в организаций всесторонней помощи фронту. За свой самоотверженный труд они были удостоены благодарности Верховного Главного командования, многие из них были награждены орденами и медалями СССР.